

INSTRUCCIÓNS PARA O DESENVOLVEMENTO DO REGULAMENTO DAS PRÁCTICAS ACADÉMICAS EXTERNAS NA UNIVERSIDADE DE VIGO

Estas instrucións teñen por obxecto facilitar o cumprimento das normas referidas ao procedemento de xestión das prácticas académicas externas incluídas no Regulamento de prácticas académicas externas do estudiantado da Universidade de Vigo (en adiante, Regulamento) aprobado por Consello de Goberno o 29 de Abril do 2021, e de conformidade co establecido no artigo 6 da Lei 39/2015 do Réxime Xurídico do Sector Público.

DISPOÑO

1. No uso das competencias que a Disposición adicional primeira do devandito regulamento facúltanse a Vicerreitoría de Captación de Alumnado, Estudiantes e Extensión Universitaria, como responsable das prácticas externas.
2. Sempre que se cumpran os requisitos das persoas solicitantes (véxase Art. 8 do Regulamento), para que un/unha estudante poida realizar prácticas académicas externas, ten que estar matriculado/a nalgunha titulación oficial ou, de ser o caso, nun título propio da Universidade de Vigo, durante o período de duración do título no que teña a matrícula en vigor.
3. Para que un/unha estudante poida comezar as súas prácticas académicas externas, tanto curriculares como extracurriculares, é necesario que exista un Convenio de Cooperación Educativa vixente e que a documentación que as formalice (Anexos I, II e III) estea debidamente asinada.
4. Os Convenios de Cooperación Educativa deberán ser promovidos pola Universidade de Vigo (Área de emprego -AEE-, Coordinadores/as de Prácticas ou a Fundación Universidade de Vigo -en adiante FUVI). Será necesario utilizar os modelos que aparecen publicados na [web da AEE](#), así como seguir as instrucións que se detallan na mesma. No caso de que a entidade colaboradora propoña un modelo propio de convenio, este deberá ser tramitado pola AEE da Universidade de Vigo como convenio específico (véxase Art. 11 do Regulamento).
5. Existen catro modelos de Convenio de Cooperación Educativa:
 - a. Modelo nacional. Cubre as prácticas do estudiantado en entidades colaboradoras dentro do territorio español
 - b. Modelo internacional. Cubre as prácticas do estudiantado en entidades colaboradoras fora do territorio español, excepto as realizadas ao abeiro de programas de intercambio internacionais que posúan o seu propio modelo de convenio.
 - c. Acordo interno. Cubre as prácticas do estudiantado en servizos, dependencias ou centros da Universidade de Vigo.
 - d. Modelo de convenio interuniversitario. Cubre as prácticas externas en entidades colaboradoras do estudiantado matriculado en titulacións interuniversitarias.
6. Na medida do posible, e para asegurar a realización da estadía na data desexada, os Convenios deberán tramitarse cunha antelación mínima dun mes antes do inicio das prácticas (tanto curriculares como extracurriculares).
7. Os dereitos e deberes dos/as titores/as (na universidade e nas entidades colaboradoras) veñen recollidos no Art. 12 do [Real Decreto 592/2014](#), do 11 de xullo, polo que se regulan as prácticas académicas externas do estudiantado universitario.
8. A xestión de prácticas externas extracurriculares realizarase pola FUVI segundo encomenda realizada para tal efecto pola Universidade de Vigo. O procedemento de xestión de prácticas extracurriculares establécese nos seguintes termos:
 - Realizaranse convocatorias públicas nas que se indicarán as ofertas de prácticas realizadas polas entidades colaboradoras. Excepcionalmente e co obxectivo de favorecer a realización das mesmas, o estudiantado poderá promover a súa propia práctica nunha empresa ou entidade.
 - A preselección das candidaturas será realizada pola FUVI co obxectivo de supervisar o cumprimento dos requisitos para a realización de prácticas establecidos pola normativa da Uvigo.
 - A selección final do/a candidato/a elixido para a realización da práctica corresponderalle á entidade colaboradora.

- Cada centro nomeará unha persoa responsable de prácticas externas extracurriculares que se encargará de asignar as titorías ao estudiantado que realice as prácticas externas extracurriculares.
- 9. Agás as prácticas das titulacións profesionalizantes reguladas, a duración total de prácticas nunha mesma entidade colaboradora, sexan curriculares ou extracurriculares, non poderá exceder as 750 horas (30 créditos ECTS) ao longo da titulación, sexa ou non de forma interrompida.
- 10. Un/unha estudante non poderá realizar prácticas extracurriculares nun mesmo curso académico (ano escolar) máis do 50 % dos ECTS asignados ao último curso académico, no caso de titulacións de grado, ou a totalidade dos créditos, no caso de mestrados. Por exemplo, nunha titulación de grao con 60 ECTS asignados ao último curso só se poderían realizar 30 ECTS (750 horas a 25 h./crédito).
- 11. A existencia de bolsas de prácticas por parte da empresa ou entidade colaboradora deberá consultarse para cada caso.
 - a. A remuneración económica por parte da entidade colaboradora será opcional para as prácticas extracurriculares que non superen as 264 horas, ou no caso de que se desenvolvan en organismos públicos e entidades sen ánimo de lucro, que non poderán exceder as 528 horas. Esta condición é aplicable unha única vez por estudante na mesma empresa.
 - b. Nos casos de que así se acorde coa entidade colaboradora, ou sempre que a práctica supere as 264 horas, o importe da bolsa para xornadas completas (40h semanais) será do 80% do Salario Mínimo Interprofesional (SMI) mensual. Nos casos dunha xornada inferior, a dotación será proporcional en función do número de horas realizadas.
 - c. No caso de prácticas extracurriculares no estranxeiro a dotación será proporcional ao Salario Mínimo Interprofesional no país onde teña lugar o período de prácticas, en función do número de horas realizadas. No caso de que no país de destino non estea establecido un SMI, a dotación calcularase conforme o establecido nos apartados anteriores para as prácticas nacionais. As prácticas realizadas ao abeiro de programas de intercambio onde xa se contemple a concesión de axudas ao estudante con carácter de bolsa, rexerase polo establecido na mesma.
- 12. Os/as estudantes que realizan prácticas académicas externas, están cubertos por un seguro de responsabilidade civil e accidentes que cobre os riscos inherentes ás prácticas. Así mesmo, o/a estudante menor de 28 anos debe estar cuberto polo seguro escolar.
- 13. No caso de prácticas internacionais, e con independencia da modalidade de prácticas, o estudiantado terá que subscribir un seguro de accidentes que inclúa a repatriación. Do mesmo modo, se as prácticas se realizan en Estados Unidos/Canadá deberán contratar un seguro de responsabilidade civil. A copia destes seguros deberán ser entregadas polo/a estudante, no caso de curriculares, ao/á titor/a da universidade e, no caso de prácticas extracurriculares, á FUVI.
- 14. As cuestións académicas das prácticas externas competen ao Centro Académico onde o/a estudante cursa os seus estudos.
- 15. Achéganse a esta instrución os documentos elaborados a efectos de formalización, modificación, rescisión e avaliación das prácticas externas, e que estarán publicadas na [web](#) da Área de Emprego e Emprendemento, como seguen:
 - Anexo I. Condicións da práctica
 - Anexo II. Declaración responsable da entidade colaboradora
 - Anexo III. Compromiso do/a estudante
 - Anexo IV. Informe Final do/a Titor/a na entidade colaboradora
 - Anexo V. Informe Final di/a Titor/a na Universidade
 - Anexo VI. Informe Final do/a estudante
 - Anexo VII. Solicitud de modificación da práctica
 - Anexo VIII. Solicitud de rescisión ou renuncia da práctica
 - Anexo IX. Certificado de participación como titor/a na entidade colaboradora
 - Anexo X. Certificado de realización de prácticas do/a estudante